



Աբովյան քաղաքի շախմատի դպրոցում անց է կացվում Հայաստանի Հանրապետության Կոտայքի մարզի պատանիների շախմատի ամենամյա առաջնություն: Մրցաշարը իրականացվում է Կոտայքի մարզպետ, Կոտայքի շախմատի ֆեդերացիայի նախագահ Կովալենկո Շահգալդյանի աջակցությամբ: Մրցաշարի բացումը տեղի ունեցավ փետրվարի 21-ին: Շախմատի առաջնությունն անցնում է 4 տարիքային խմբերի միջև՝ 10, 12, 14, 16: Մասնակցում են 123 պատանի շախմատիստ, նրանցից լավագույնները պայքարում են որպեսզի նվաճեն ուղեգրեր և մասնակցեն հանրապետական առաջնության կիսաեզրափակիչ փուլին: Բյուրեղավանից առաջնությանը մասնակցում են մինչև 12 տարեկան տարիքային խմբում Հայկ Ասոյանը և մինչև 10 տարեկան տարիքային խմբում Արամայիս Ավալյանը: Մեր պատանիները մրցաշարում առաջատար են: Հայկը 5 հնարավորությունից վաստակել է 4.5 միավոր, իսկ Արամայիսը 6 հնարավորությունից՝ 3.5 միավոր: Մասնագետների կարծիքով եզրափակիչ հասնելու համար Հայկի հնարավորությունները մեծ են: Հուսանք և սպասենք մարտի 1-ին, այդ օրը մրցաշարն ավարտվում է: Հաղթողները մարզպետարանի կողմից կարժանանան սահմանված մրցանակների:

Մերի Կարապետյան

27.02.13